

Na osnovu člana 26. st. (4) i (5) i člana 39. Zakona o izvršavanju Budžeta Federacije Bosne i Hercegovine za 2026. godinu („Službene novine Federacije BiH“, broj: 6/26), Vlada Federacije Bosne i Hercegovine, na 68. sjednici, održanoj 18.03.2026. godine, donosi

**ODLUKU
O USVAJANJU PROGRAMA UTROŠKA SREDSTAVA UTVRĐENIH U RAZDJELU 17.
BUDŽETA FEDERACIJE BOSNE I HERCEGOVINE ZA 2026. GODINU FEDERALNOM
MINISTARSTVU ENERGIJE, RUDARSTVA I INDUSTRIJE „TEKUĆI TRANSFERI I
DRUGI TEKUĆI RASHODI-TEKUĆI TRANSFERI NEPROFITNIM ORGANIZACIJAMA-
TRANSFER AGENCIJI ZA PRIVATIZACIJU U FEDERACIJI BOSNE I HERCEGOVINE
ZA IZMIRENJE PREOSTALIH OBAVEZA NA OSNOVU PRESUDE VRHOVNOG SUDA
FEDERACIJE BOSNE I HERCEGOVINE“**

I.

Usvaja se Program utroška sredstava utvrđenih u razdjelu 17. Budžeta Federacije Bosne i Hercegovine za 2026. godinu Federalnom ministarstvu energije, rudarstva i industrije „Tekući transferi i drugi tekući rashodi - Tekući transferi neprofitnim organizacijama - Transfer Agenciji za privatizaciju u Federaciji Bosne i Hercegovine za izmirenje preostalih obaveza na osnovu Presude Vrhovnog suda Federacije Bosne i Hercegovine“ (u daljem tekstu: Program), u iznosu od 2.762.963,00 KM.

II.

Program iz tačke I. ove odluke, nalazi se u prilogu ove odluke i čini njen sastavni dio.

III.

Federalno ministarstvo energije, rudarstva i industrije dostavljat će izvještaje Federalnom ministarstvu finansija/Federalnom ministarstvu financija i Vladi Federacije Bosne i Hercegovine u skladu sa Zakonom o izvršavanju Budžeta Federacije Bosne i Hercegovine za 2026. godinu („Službene novine Federacije BiH“, broj: 6/26) i Programom iz tačke I. ove odluke.

IV.

Za realizaciju ove odluke zadužuju se Federalno ministarstvo energije, rudarstva i industrije, Agencija za privatizaciju u Federaciji Bosne i Hercegovine i Federalno ministarstvo finansija/Federalno ministarstvo financija, svako u okviru svoje nadležnosti.

V.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 441 /2026
18.03.2026. godine
Sarajevo



Bosna i Hercegovina
Federacija Bosne i Hercegovine
Federalno ministarstvo energije, rudarstva i industrije
Mostar

**PROGRAM UTROŠKA SREDSTAVA UTVRĐENIH U RAZDJELU 17.
BUDŽETA FEDERACIJE BOSNE I HERCEGOVINE ZA 2026. GODINU
FEDERALNOM MINISTARSTVU ENERGIJE, RUDARSTVA I
INDUSTRIJE, TEKUĆI TRANSFERI I DRUGI TEKUĆI RASHODI-TEKUĆI
TRANSFERI NEPROFITNIM ORGANIZACIJAMA-TRANSFER AGENCIJI ZA
PRIVATIZACIJU U FEDERACIJI BOSNE I HERCEGOVINE ZA IZMIRENJE
PREOSTALIH OBAVEZA NA OSNOVU PRESUDE VRHOVNOG SUDA
FEDERACIJE BOSNE I HERCEGOVINE**

Mostar, mart 2026. godine

1. UVOD

Programom utroška sredstava utvrđenih u razdjelu 17. Budžeta Federacije Bosne i Hercegovine za 2026. godinu Federalnom ministarstvu energije, rudarstva i industrije „Tekući transferi i drugi tekući rashodi – Tekući transferi neprofitnim organizacijama-Transfer Agenciji za privatizaciju u Federaciji Bosne i Hercegovine za izmirenje preostalih obaveza na osnovu Presude Vrhovnog suda Federacije Bosne i Hercegovine “ (u daljem tekstu: Program), definišu se zakonodavni okvir, cilj, namjena sredstava, raspoloživa sredstva, trajanje Programa, kao i postupak odobravanja sredstava. Ovaj Program je rezultat nastojanja Vlade Federacije Bosne i Hercegovine za iznalaženje pomoći Agenciji za privatizaciju u Federaciji Bosne i Hercegovine (u daljem tekstu: Agencija) za deblokadu računa i nastavak rada Agencije.

Sredstva za provođenje i realizaciju Programa su obezbijedena u Budžetu Federacije Bosne i Hercegovine za 2026. godinu.

Vlada Federacije Bosne i Hercegovine je na 31. sjednici održanoj 08.04.2024. godine donijela Zaključak V. broj: 533/2024 od 08.04.2024. godine, kojim je data saglasnost na tekst Sporazuma o izmirenju preostalog duga.

Sporazumom je konstatovano da je do momenta zaključenja istog, Izvršenik isplatio Tražiocu izvršenja iznos od 2.842.184,49 KM.

Za ostatak duga predviđena je obaveza izmirenja u 3 (tri) godišnje rate, kako slijedi:

I rata u iznosu od 2.762.962,71 KM počev od donošenja Budžeta Federacije Bosne i Hercegovine za 2024. godinu i odmah po prenosu sredstava iz Budžeta Federacije Bosne i Hercegovine na račun Agencije;

II rata u iznosu od 2.762.962,71 KM počev od donošenja Budžeta Federacije Bosne i Hercegovine za 2025. godinu i odmah po prenosu sredstava iz Budžeta Federacije Bosne i Hercegovine na račun Agencije;

III rata u iznosu od 2.762.962,71 KM počev od donošenja Budžeta Federacije Bosne i Hercegovine za 2026. godinu i odmah po prenosu sredstava iz Budžeta Federacije Bosne i Hercegovine na račun Agencije.

Krajnji rok za isplatu ovih sredstava je 31.12.2026. godine.

2. ZAKONODAVNI OKVIR

- Zakon o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06);
- Budžet Federacije Bosne i Hercegovine za 2026. godinu („Službene novine Federacije BiH“, broj 6/26);
- Zakon o izvršavanju Budžeta Federacije Bosne i Hercegovine za 2026. godinu („Službene novine Federacije BiH“, broj 6/26).

3. CILJ PROGRAMA

Osnovni cilj Programa je nastavak deblokade računa Agencije do 31.12.2026. godine i stvaranje uslova za nastavak poslovanja Agencije.

4. NAMJENA SREDSTAVA PROGRAMA

Sredstva će se utrošiti za izmirenje dijela preostalih obaveza (posljednja rata) na osnovu Presude Vrhovnog suda Federacije Bosne i Hercegovine broj: 06109319 rev od 15.12.2019. godine, u skladu sa Sporazumom o izmirenju preostalog duga broj: 01-11-339-20/23 od 12.04.2024. godine potpisanim između Agencije i SA DAGITIM d.o.o. Kreševo, u cilju nastavka deblokade računa Agencije do 31.12.2026. godine.

5. RASPOLOŽIVA SREDSTVA

Raspoloživa sredstva za navedene namjene u iznosu od 2.762.963,00 KM, obezbijedena su Budžetom Federacije Bosne i Hercegovine za 2026. godinu i nalaze se na razdjelu 17., ekonomski kod 6143 – „Tekući transferi neprofitnim organizacijama-Transfer Agenciji za privatizaciju u Federaciji Bosne i Hercegovine za izmirenje preostalih obaveza na osnovu Presude Vrhovnog suda Federacije Bosne i Hercegovine“.

6. PROCEDURA ODOBRENJA GRANT SREDSTAVA

Federalno ministarstvo energije, rudarstva i industrije će dati nalog Trezoru Federacije Bosne i Hercegovine da izvrši prenos sredstava u iznosu od 2.762.963,00 KM na račun Agencije, nakon potpisivanja Ugovora o dodjeli grant sredstava i dostavljanja zahtjeva Agencije za uplatu sredstava za izmirenje obaveza prema Tražiocu izvršenja.

7. KONTROLA UTROŠKA DODIJELJENIH SREDSTAVA

U cilju kontrole utroška dodijeljenih sredstava, Agencija će dostaviti dokaz o namjenskom utrošku sredstava, odnosno izvod iz banke, kojim se dokazuje da su sredstva uplaćena na račun SA DAGITIM d.o.o. Kreševo i potvrdu Intesa Sanpaolo banke kojom se potvrđuje nastavak deblokade računa Agencije, na osnovu rješenja Općinskog suda u Sarajevu.

8. OBJAVLJIVANJE AKTA

Ministarstvo će ovaj Program i Odluku o usvajanju Programa objaviti u „Službenim novinama Federacije BiH“ i na web stranici Ministarstva www.fmeri.gov.ba.

MINISTAR

Vedran Lakić

